

Тенд болн энд

Хар газр. Хөддин эрт хургьлгын эклв. Хөдчнрт эн цаг—хамгин кучр болн байрта цаг. Гарсн хургьд болгъниг бичкн күүкд мет, хялэдж-хардж, эрүл-менд авхар зүтклгын—хөдч болгъна нбр хатана, сүүр-бээр теднд өгхш. Хургын болгъиг менд авхла—ик байр.

Элст бэлгэсна „Страна Советов“ колхозин отармудт хөднэ хургьлгын бас эклв. Туркшолдж февралин 20-с авн, ах хөдч Данил Егорович Куликовин отар эклдж хургьлв. П. Ф. Кийковин болн П. Г. Суховин отармуд март сарин хөрнэс авн хургьлулгъан эклв. Болв эн колхозин отармудас Хар газрт зэрмнь хургьлулгдхмн.

Ут-тоодан 23 отар тенд увлэ. Терүнэс 14 отарнь энд, эврәннь колхозин газрт ирдж тблэн авхмн.

Ах хөдчнр И. И. Василенко болн В. И. Калюжный хойран энд хургьлх отармуд цбн хонгас эврэ газрун ордж ирхмн, наадкснь чигн дахлдн аашна.

Увлэньгэс аашх хургьлх хөдт сэн дулан бээрн кергтэ, шимтэ айта хот кергтэ. Тер учрар колхоз белдвр кех гурвн бригад бурдэв.

Алексей Архипович Полоусовин бригад өдгэ цагт Келкт деер кошармуд ясдж бээнэ. Хөдчнр бээр гермуд бэргдджэнэ, нидн джилэ өтгиг керчэд, кошармудиг сээрнэ цеврлджэнэ. Хургьлх хөд болн теднэс гарх нилх хургьд дулан, цевр бээрнд бээртхэ гидж малчнр болн эн бригадин улс шундж көдлджэнэ. Полоусовин бригадас хол биш Г. П. Гуськон бригад көдлджэнэ. Модн, хулсн, тосхлтд кергтэ материалмудиг тракторар зөддж күргнэ.

Хар-Булгт көдлджэх Егор Антонович Рвачевин бригад кошарин бог-шегиг арчал цеврлчксн, амтн бээр шин гер бэрэд дуусджана.

Хар газрас ирдж хургьлх отармуд, тенднь болн энднь сэн белдвр кесн учрар, бүрн-бүтн олн тбл өгхнь лавта.

А. ДЖИМБИНОВ.